

宜城縣志卷之十

雜類志

祥異

兵事

撫聞

辯士徒侈談天仁人羞稱用武矧瑣聞逸事不盡
有徵即欲芻蕘詢弗慮牙慧拾哉然史紀五行兆
有默符天生五材兵亦並用我

朝仁聖相承休祥屢召偶驚豕突旋慶鯨封天人相與
際誠微矣至於父老傳聞其軼時時見於他說亦
採一二以備參覈殆猶虞初有編云爾

祥異

周孝王七年冬大雨雹江漢冰

原註牛馬死
竹書紀年

宜城縣志

卷十

雜類志

一

十三年大雨雹江漢冰

通鑑

西漢

高后三年夏漢中南郡大水水出流四千餘家
八年夏漢中南郡水復出流六千家

景帝後元年七月乙巳先晦一日日有蝕之在翼十
七度

古今日食自漢至隋凡二百九十三食於晦者七
十七晦前一日者三初二日者三唐至五代凡一
百一十食於晦者一初二初三各一宋凡一百四
十八無晦食者推食而不食者十三元凡四十五
無晦食推食而不食者一食而失推者一夜食而

書晝者一明二百七十七年凡百有十一建文天
啟兩代闕焉其間正統六年正月乙亥朔景泰二
年戊辰朔萬曆十二年十一月癸酉朔二十一年
十一月辛亥朔推食而不食者凡四

按日食正史備載似應詳錄但其徵兆見諸天下
非僅一方一邑舊志惟記食在翼度者然統荆南
諸屬而言亦不勝紀故錄此以該其餘而彗孛氛
祲不及備載者亦猶此意

元帝建昭二年十一月齊楚地大雪深五尺

成帝河平二年四月楚國雨雹大如斧蜚鳥死以上漢書

宜城縣志

卷十 雜類志

二

五行志

東漢 順帝永建四年荆部淫雨傷稼文獻通考

獻帝建安二年九月漢水流害民人後漢書五行志

三年邑太山崩聲聞五六十里雉皆屋佳水經注

二十四年八月漢水溢流害民人後漢書五行志

後漢 後主建興八年魏明帝太和四年 九月大雨漢水溢魏志明

晉 懷帝永嘉三年五月大旱河洛江漢皆可涉十月荆

襄二州地震晉書五行志

宋 孝武帝大明四年八月雍州大水

順帝昇明元年七月雍州大水甚於關某樊城時宋書

五行志

北周武帝天和二年六月襄州上言慶雲見周書武帝紀

隋高祖開皇六年二月山南水隋書高祖紀

唐太宗貞觀十八年秋襄州大水唐書五行志

高宗永淳元年山南州二十六饑

德宗貞元八年襄州大水害稼溺死人漂歿城郭廬舍

憲宗元和三年山南東西皆旱

穆宗長慶四年夏襄均二州漢水溢決

敬宗寶曆元年襄州旱

宜城縣志

卷十 雜類志

三

文宗太和四年山南東道荆襄大水害稼五年六月襄州大水害稼八年秋襄州水害稼

武宗會昌元年七月漢水壞民居甚衆

僖宗光啟二年春襄州蝗斗米錢三千人相食以上唐書

五行志

周太祖廣順三年六月襄州漢江漲溢壞羊馬文獻通考

宋太祖建隆二年襄州漢水漲溢數丈宋史五行志

太宗太平興國七年六月漢江並漲壞民舍人畜死

者甚衆宋史五行志

八年秋七月漢水溢爲患宋史太宗紀

眞宗乾興三年十一月襄州漢水壞民田

五年三月襄州水以上宋史
五行志

仁宗天聖三年十一月襄州水宋史
宗紀 仁

神宗熙寧元年荆襄間天雨白鼈如馬尾長者尺餘

彌漫山谷宋史
五行志 五

孝宗乾道四年六月襄陽旱文獻
通考

淳熙三年冬襄陽府大饑

四年春尤饑襄陽府旱首種不入

九年襄陽府旱

十年五月襄陽府大水漂民廬蓋藏爲空

宜城縣志

卷十 雜類志

四

光宗紹熙三年七月襄陽大雨水漢江溢敗隄防圯
民廬沒田稼者逾旬

寧宗慶元三年襄陽饑

六年襄陽旱

開禧元年九月漢水溢襄郡水

嘉定二年春襄陽府大饑米斗錢數千人食草木

理宗端平三年三月襄漢江大水

嘉熙八年冬襄陽饑人相食以上俱
五行志 宋史

度宗咸淳七年七月大霖雨漢水溢元史
元史 阿

元世祖至元十四年八月嘉禾生襄陽元史
元史 五

成宗大德四年六月襄陽水元史五

五年襄陽蝗元史成宗紀

武宗至大三年六月襄陽大水山崩壞官廨民居死者甚衆 七月宜城縣水以上元史武宗紀

英宗至治二年正月襄陽饑元史英宗紀

順帝至正九年七月漢水溢漂沒民居禾稼元史順帝紀

二十七年襄陽旱明史太祖紀

明太祖洪武二十三年襄陽水明史五行志五

英宗正統十二年夏襄陽洊饑明史五行志五

舊志及府志誤作八年

宜城縣志 卷十 雜類志 五

十四年漢水冰明志

憲宗成化二年八月湖廣饑荆襄流民十餘萬御通撰

鑑綱目

孝宗六年襄陽旱明史五行志五

武宗正德十一年五月大水入城明志

十二年荆襄江水大漲明史五行志五

按舊志載十一年大水入城而史紀十二年荆襄江水大漲志又不載恐即一事然未敢臆斷故從府志兩存之

世宗三年宜城均州地震明府志

七年六月襄陽宜城南漳棗陽穀城光化均州大旱饑人相食都御史張祿繪饑民十圖以獻請帑

賑濟 明府志

八年湖廣饑襄陽尤甚 明史五 四月大疫曰晡無

人行 明志

十七年襄陽府饑 明史五 七月龔孝子墓甘露降

產芝五本 胡志

十九年七月襄陽蝗 府志

三十年七月大水崩城官廬民舍一空 胡志

三十七年四月雨雹殺二麥 胡志 十月尹恂家產芝

宜城縣志

卷十 雜類志

六

舊府志

三十九年四月大水 胡志 七月復大水 甘露降於

尹家庄 俱舊府志

四十四年襄陽雨蕎麥黑豆 省志

四十五年九月大水崩城瀕河居民死者甚衆 胡志

穆宗隆慶元年襄陽水 明史五 夏至日襄陽大雨雹

舊通志

三年春襄陽大水 舊通志

四年春大饑斗米千錢民食樹皮 胡志

神宗萬曆元年秋大水 舊志 十月初二夜有水起於龍

家橋水中自東徂西聲如雷 胡志

二年二月大風屋瓦皆飛 胡志

三年五月襄陽地震 明史五行志 襄陽饑 府志

四年五月襄陽漢水溢大雨雹

六年六月至九月襄陽雨漢水溢傷稼 以上府志

二十九年八月漢水泛溢長三丈餘七日方退 道志

四十八年三月襄陽地震 明史五行志

莊烈帝崇禎五年襄屬漢水溢平地高二尺傷稼

十二月襄陽地震 舊府志

十二年六月襄陽大水 道志

宜城縣志 卷十 雜類志 七

十五年斗米十金人相食 胡志

國朝順治元年甲申荆襄野麥自生不耕而穫民賴以

安 省志

二年春大饑米大貴人相食多疫死

三年四月蝻起飛蝗害稼歲大蕪

四年蝗蝻又作殍橫於野饑民鬻而食之 以上俱

十四年自夏徂秋漢水數漲為患 道志 秋地震

十五年春大疫秋漢水溢漂流禾稼房屋

十八年夏大旱 以上俱胡志

康熙元年壬寅慶雲見五色網縕曉夜不散 省志 七月

漢水漲溢壞民居

七年虎入西南郊傷人行旅非聚族不敢行縣令

捕之一日獲三虎

以上胡志

十四年乙卯秋湖北大有年

舊通志

十五年秋漢水溢破使風港瀰漫新河漂溺人畜

房屋禾稼無算

十六年三月黃憲塚高觀舖蝻生數十畝四月蝗

飛蔽天尋渡漢水東去不成災是年四月大風拔

樹邑南河地方飄舟空中落二里外

二十二年春夏漢東山村大疫

以上俱胡志

宜城縣志

卷十 雜類志

八

按胡公舊志災祥分紀寥寥數語簡畧殊甚然近
事取其信而有徵故仍錄舊文而採諸志以補其
闕

二十三年秋大稔

雍正二年甲辰夏五月鄖襄十三州縣山水漫堤

府志

六年春麥有秋

舊通志

七年春麥大熟

舊通志

八年大有年

舊通志

十年秋大有年

省志

十一年有年

省志

乾隆三年旱

七年夏秋水災

十七年襄陽宜城棗陽穀城均州皆大旱秋又大
水奉

旨賑銀米緩征蠲賦有差

以上據冊檔

三十六年大旱報災奉

旨恩賑蠲緩地丁賦役有差

四十三年戊戌荆襄宜城等處大饑

四十四年大水

四十六年水

宜城縣志

卷十

雜類志

九

五十年大饑斗米千錢

五十一年秋飛蝗蔽天禾苗全盡歲大饑

五十三年戊申夏六月水

五十九年夏大水

嘉慶元年三月二十六日辰刻有黑霧三陣從東道

過西北覲面不相識秋大水

三年四月二十三日夜大風拔木摧屋雨雹大如

鷄卵秋禾稔十月虎入萬楊洲

八年歲熟

十五年大水貫城平地行舟鄉村鎮市坍沒房舍

人畜禾稼無算

十八年秋至十九年春大饑斗米千錢

二十一年有年

二十二年七月二十七八日大水漫城脚冬十月

木果重華重實

二十三年四月上旬地生毛或白或黑或蒼或白

黑半短者二三寸長或尺餘十月十六日虹見是

歲有年

二十四年八月初八日大水

二十五年十月二十六日未刻日月星並見西南

宜城縣志

卷十

雜類志

十

道光元年四月欽天監奏日月合璧五星聯珠 六

月水

二年閏三月二十八日夜鬼車鳥飛鳴過城南

七月初四初昏有大星自天漢北飛入漢南觸地

有聲火光迸天是歲自夏徂秋漢水三漲漂没禾

麥城鄉大疫

三年秋大熟自九月至十月不雨

四年自四月不雨至六月閏七月初八九日大水

没秋禾

六年六月初四日蛟水東西山蠻水南泉河皆大

漲坍塌田房無算

七年五月十八日縣民張金富之妻一產三男秋
禾稔

九年五月初四日地震自八月不雨至於冬十一
月桃李華且實

十年四月二十三日寅初刻紅雲如疋布著天自
辰方橫亘午方五月初九日寅刻紫紅雲橫排東
方其上備五彩十五日夜月華

十一年夏淫雨害稼六月水有蟻

十二年六月十六日大雨霽霖晝夜不絕至七月

宜城縣志

卷十 雜類志

十一

初一日漢江暴漲蛟水四合文昌門操軍場泰山
湖皆有起蛟跡決護城堤十餘處潰東南北城垣
二百四十餘丈壞溺鄉邑廬舍人畜禾稼無算歷
初六日始退自後炎旱蟻食稻東山田鎮司汛虎
狼夜出嚙人槐木溝山石崩裂八月十三至十七
日又大水傷穀菜田房人畜甚於七月九月戴谷
頂柴狗啞衆逐虎死有黃黑斑文自七月至九月
積陰少霽木棉無花歲秒數雪嚴寒米薪大貴餓
殍載道是年十月奉

旨恩緩地丁錢糧至來年秋成後分限兩年帶徵武昌襄

陽屯衛屬宜者漕運銀米一體

恩緩

十三年十月二十四日二鼓雷電雨雹二十六日
震電雨雪自五月至十月積陰少霽瘟瘡流行人
及六畜多死 是年五月六月江漢水漲
十五年五月旱六七月蟲八月淫雨歲歉
十七年春夏霪雨害麩麥秋大穫
二十年五月初二日巳刻邑西北地方及襄陽南
漳荆門鍾祥接界人民同曰風謠驚懼奔城襄南
宜三縣皆罷市閉城 以上俱採訪記

宜城縣志

卷十

雜類志

十二

二十七年夏大旱

二十八年夏大雨蠻水數溢

二十九年蠻水溢

咸豐三年秋七月漢水溢壞民居禾稼決護城堤潰
城垣一百五丈圯小南門敵樓水退後大雨月餘
日

六年自五月不雨至於九月陂塘泉堰皆涸首種
不入奉

旨緩徵是年有鵲巢於地上

七年春大饑斗米千錢

八年蝗害稼

九年遺蝻復生

同治元年欽天監奏日月合璧五星聯珠聚於張分
四年縣南獨樹林羊角風大起屋瓦皆飛木拔禾
盡偃有龍蜒蝮狀大雨平地水數尺不數日又見
於茅草洲

八年蝗害稼

九年遺蝻復生

同治元年欽天監奏日月合璧五星聯珠聚於張分
六年漢水溢

宜城縣志

卷十

雜類志

十三

九年漢水溢牛疫

光緒三年秋八月至四年二月不雨

冬河冰厚數寸渡者行冰上

四年二月二十九日雨沙天色赤黃

八年夏旱秋淫雨彌月

兵事

周桓王二十年楚伐絞師分涉於彭羅人欲伐之

注杜預羅

在宜城西山中

使伯嘉

羅大夫

謀之三巡數之

二十一年

楚屈瑕伐羅及鄢亂次以濟遂無次且不設備及

羅羅與盧戎兩軍之中盧戎漢改大敗之莫敖縊於

荒谷

惠王二年楚子伐黃敗黃師於蹇陵還及湫

杜預注南郡

縣東南有湫城南

有疾

襄王三十年秦人入都

是時都在商密楚遷都於鄢為楚附庸

景王七年秋七月楚子以諸侯伐賴遷賴於鄢

宜城縣志

卷十

雜類志

十四

敬王十六年四月吳太子終纍敗楚舟師獲潘子臣

小惟子及大夫七人楚國大惕懼亡子期又以陵

師敗於繁揚令尹子西喜曰乃今可為矣於是乎

遷郢於都而改紀其政以定楚國

以上見左傳

赧王三十二年楚頃襄王與秦昭玉好會於鄢

史記楚世

家三十六年秦大良造白起攻楚取鄢鄧赦罪人

遷之明年白起攻楚取鄢郢為南郡

史記秦本紀

東漢

更始元年郢縣人秦豐起兵攻得郢宜城都編

今荆州門

臨沮

今當陽縣

中廬

今南漳縣

襄陽鄧新野穰

今鄧州境

湖陽蔡

陽皆今棗陽地

合兵萬人

見東觀漢記豐郢縣人少學長安受律令歸為吏

二十年秦豐自號楚黎王 見後漢書光武帝紀

光武帝建武三年令岑彭率傅俊臧宮劉宏等三萬餘人南擊秦豐拔黃郵豐與其大將蔡宏拒彭等於鄧數月不得進帝怪以讓彭彭懼於是夜勒兵馬申令軍中使明日西擊山都 在義清縣東北 乃緩所獲

虜令得逃亡歸以告豐豐即悉其軍西邀彭彭乃潛兵渡沔水擊其將張揚於阿頭山大破之 阿頭山在

襄陽縣西九里 從山谷間伐木開道直襲黎邱擊破諸屯

兵豐聞大驚馳歸救之彭與諸將依東山爲營豐與蔡宏夜攻彭彭豫爲之備出兵逆擊之豐敗走

宜城縣志

卷十 雜類志

十五

追斬蔡宏豐相趙京舉宜城降拜爲成漢將軍與

彭共圍豐於黎邱 後漢書岑彭傳 四年十一月遣建義大

將軍朱祐率破姦將軍侯進輔威將軍耿植代岑

彭圍秦豐於黎邱破其將張康於蔡陽斬之十二

月帝進幸黎邱招豐不降五年六月建義大將軍

朱祐拔黎邱獲秦豐轎車傳豐送洛陽斬之 以上二條

見後漢書光武帝紀 十八年冬十月庚辰光武帝幸宜

城還祠章陵 後漢書光武帝紀

獻帝初平元年詔以劉表爲荊州刺史時江南宗賊大盛又袁術阻兵屯魯陽表不得至乃單馬入宜

城請南郡人蒯越襄陽人蔡瑁與共謀畫乃使越遣人誘宗賊帥至者五十五人皆斬之而襲取其衆惟江夏賊張虎陳坐司馬彪作陳生擁兵據襄陽城表使越與龐季往譬之乃降江南悉平見魏志劉表傳注

建安十三年秋八月魏武得荊州分南郡編縣以北及南陽之山都置襄陽郡初治宜城旋移治於襄陽縣於是襄陽始以郡帶縣而宜城隸焉見魏志武

帝紀及襄陽府志

後漢後主建興十五年魏分襄陽臨沮宜城旌陽郢四縣

置襄陽南部都尉分襄陽郡之郡縣屬義陽郡魏志

宜城縣志

卷十 雜類志

十六

明帝紀 延熙五年吳朱然征柁中魏將蒲忠胡質各

將數千人要遮險隘圖斷然後質爲忠繼援時然所督兵將先四出聞問不暇收合便將帳下見兵八百人迎掩忠戰不利質等皆退九年復征柁中魏將李興等聞然深入率步騎六千斷然後道然夜出逆之軍以勝反吳書朱然傳柁中夷夏萬餘家避寇北渡沔吳襲破柁中見晉書帝紀

晉懷帝永嘉四年九月雍州人王如舉兵反於宛殺害

令長自號大將軍司雍二州牧大掠漢沔晉書懷帝紀

時京師危逼荊州刺史王澄率衆軍將赴國難會

王如寇襄陽澄前鋒至宜城遣使詣山簡爲如黨
嚴嶷所獲疑僞使人從襄陽來而問之曰襄陽拔
未答云昨日破城已獲山簡澄聞襄陽陷散衆而
還既而恥之

晉書王澄傳

孝武帝太元三年四月符堅遣尙書令符丕率司馬
慕容暉苟萇等步騎七萬寇襄陽時朱序鎮襄陽
師老無功堅使切讓丕並賜以劔曰來春不捷汝
可自裁丕於是促圍攻之桓嗣以江州之衆次都
援序

見晉書符堅記並見宋書五行志

北周武帝建德元年以基平郡三州歸於梁主窺

周書蕭窺傳

宜城縣志

卷十

雜類志

十七

唐德宗建中二年八月劔南西川節度使張延賞東川
節度使王叔邕山南東道節度使賈耽荆南節度
使李昌巵陳少遊討山南東道兵馬使梁崇義以
淮甯軍節度使李希烈爲諸軍都統

唐書德宗紀

希烈

引兵徇漢而上崇義使翟崇暉杜少誠戰蠻水折
北至涑口大敗二將降希烈使部降兵徇襄約百
姓按堵崇義閉壁守者斬關出乃與妻赴井死傳

首京師

唐書梁崇義傳

宋度宗咸淳五年春正月京湖策應司參謀呼延德領
諸將張喜等遇北兵戰於蠻河三月元兵城鹿門

京湖都統張世傑率馬步舟師援襄樊戰於赤灘

圍敗績

見宋史
帝紀

秋七月宋將范文虎以舟師援襄

陽至灌子灘爲元將阿朮所敗文虎以輕舟遁

見通

鑑續編

是冬元用張宏範計柵灌子灘以絕襄陽東

道

張宏範傳

七年元阿朮率阿剌罕等與范文虎等戰

於湍灘敗之獲統制朱勝等百餘人奪其軍器

元史

世祖紀

元順帝至正十二年春正月竹山賊孟海馬陷襄陽路
總管柴肅死之四川行省參知政事答失八都魯
攻襄陽賊進次荆門時賊十萬官軍三千餘遂用

宜城縣志

卷十

雜類志

十八

宋廷傑計招募襄陽官吏及土豪避兵者得義丁
二萬編伍申約行至蠻河賊守不得渡令屈萬戶
率竒兵首尾夾攻賊大敗追至襄陽城南生擒僞
將三十人賊閉門不復出答失八都魯乃內列八
翼包絡襄城外置八營軍峴山楚山以截其援自
以中軍四千據虎頭山署從征人李復爲南漳縣
尹黎可舉爲宜城縣尹拊循其民以賦軍饋城中
圍久夜半二人縋城具告虛實願爲內應答失八
都魯定約五月朔日四更攻城至期民垂繩以引
官軍時賊船百餘艘在城北陰募善水者鑿其底

城破賊走就船船壞皆溺死僞將主權領千騎西走遇伏兵被擒襄陽遂平

答失八都魯傳

明憲宗成化元年荆襄賊劉千斤等作亂縣令郭泰倍築宜城土城

武宗正德六年縣令朱崇學因劉六等賊逼境創建

甄城

見道府志

神宗萬曆二年縣令雷嘉祥奉勅新脩縣城

府志

莊烈帝崇禎九年兵部侍郎盧象昇次南陽率諸軍蹙賊遣使告湖廣巡撫王夢尹鄖陽撫治宋祖舜曰賊疲矣東西邀擊前阻漢江可一戰殲也兩人

宜城縣志

卷十

雜類志

十九

竟不能禦三月賊至光化潛渡漢入鄖象昇遣總兵秦翼明副將雷時聲由南漳穀城入山擊賊調四川及箆子兵搜捕均州賊象昇自南陽趨襄陽欲進兵賊多兵少不能四應而襄陽疊告警均宜城穀城上津南漳環山皆賊

盧象昇傳

是年流寇劉國

倫蹂躪宜城月餘城守嚴密引兵往鄖陽

舊志

十四

年張獻忠路截閣部堂楊嗣昌符信由當陽以輕騎一日夜馳三百里過宜城縣詐假十二騎共二十八騎遣劉興脩僞爲官軍持軍符賺襄陽破之

舊志十五年十二月流寇李自成陷襄陽據之分部

曲兵數萬寇宜城環攻八晝夜破之縣令陳美訓導田世福主簿樊永昌皆抗節不屈死城堡廬舍

焚屠殆盡殘戮士大夫無噍類志府十六年目成改

襄陽日襄京大行署置史明設宜城令王克聖紀綴寇

國朝順治二年三月靖遠大將軍英王阿濟格率師至宜

城僞官始逃委授邑士梁士恬攝縣事彈壓三年

部選縣令王文楨脩濬城池徐爲安堵志府四年湖

廣叛逆王光泰盤踞鄖襄妄用永歷年號僭稱鎮

武伯官兵由宜城進勦提督孫定遼敗績歿於陣

十月侍郎喀喀木陝西副將王平討平之五年秋

宜城縣志

卷十 雜類志

二十

七月逸寇李赤心自成子李來亨高必正復陷宜城

焚劫而去六年縣令涂廷楹葺建樓堡八年告成

十三年縣令劉祚長重脩東南城二樓縣志

康熙二年四月湖廣提督董學禮同各鎮總兵大破

李來亨於長坪來亨與餘寇郝搖旗劉體統竄伏

鄖襄山中八月命靖西將軍穆里瑪定西將軍圖

海等各將帥合力捕勦大兵絡繹過縣二十二年

縣令胡永慶啟西門以便驛道重脩東門樓建城

堡八間興東南西城三關六市招集商賈安定流

亡縣志二十七年七月大兵過縣勦平湖廣叛兵夏

包子

乾隆三十三年春雲南永昌騰越普洱等處沿邊緬
匪侵掠騷擾經畧大學士公傅恒率師督征於次
年討平之出師凱旋皆過縣三十六年夏金川小
金逆酋僧格桑率大金逆酋索諾木叛大軍進勦
年餘兩川悉定四十一年師還凡出師凱旋皆過
縣六十年正月二十一日楚南永綏廳黃瓜寨黔
省大塘汛小營寨苗匪石三保吳半生等勾結謀
逆將軍明亮等討之且勦且撫於是年春苗疆始
定逆首石三保吳半生等馳驛由宜城解京正法

宜城縣志

卷十

雜類志

二十一

我邑調兵閒有傷亡 是年十一月宜都枝江長
樂長陽教匪聶傑人劉鳴盛勾結滋事安襄鄖荆
四郡匪黨羣謀響應巡撫惠齡總督畢沅撤征苗
兵回勦未靖

嘉慶元年春教匪破當陽城邑境匪首王廷詔祁娘
子胡宗朝栢寡婦僞知府劉僞經畧蔡僞都督彭
及著名賊目勞懷書內外煽惑約期舉事攝縣令
徐昱以軍法嚴拏逆黨以靖內變奉憲撥給
帑餉便宜行事於是招募旗勇數千名櫻城守河陸
續勦捕匪首栢寡婦僞知府劉僞經畧蔡僞都督

彭及賊目勞懷書尹常傅魁等數百人正法梟示
用保危城嗣來頭等侍衛烏什布西安都司王竹
溪守備張帶兵三百餘名協力防守時胡宗朝盤
踞漢東肆行擄掠焚屠日甚乃撥義勇張牯牛黃
彥標率練卒王在位等及官田湍灘腦寶潼河雲
水洲四路旗勇三百餘名前赴姚板店勦捕諭督
戰首士魯桂元邱廷和帶領義勇鄉兵由黑虎廟
橫出抄截賊衆我寡兵進牌樓岡失利陣亡旗勇
李守謙等七十餘名五月初三日守將侍衛烏復
督汛弁外委把總姚文禮縣署門丁潘武舉羅普

恩王翠亭軍功員弁雷邦玉黃彥標監生徐可章
生員羅鍾璧暨宜南兩縣旗勇七百餘人前往漢
東馬頭山嵩子岡等處勦捕仍以衆寡不敵敗績
陣亡宜南旗勇三百餘名外委把總姚文禮門丁
潘監生徐可章生員羅鍾璧皆戰歿 二年秋八
月川匪由南漳竄入焚掠縣西襄勇伯明亮繼勇
子德楞太領大兵堵截賊於是焚掠各處竄而北
大兵由宜過襄迸力追逐賊仍遁走川陝 三年
三月川匪張漢朝煽賊萬餘由巴東南遁伯爵景
安帶兵抵新店追至樂鄉關四月初一日賊復北

竄景安撤兵回宜城賊焚擾西山蔓延北境十三日賊復由舊道南下宜城焚燒數十里適常德副將帶兵千名過境邑紳士魯桂元等策縣令屈樸飛稟留之十四日賊逼鯉魚橋窺探城池城守嚴密礮傷賊隊探馬一疋殲獲步賊一人十五日又獲賊探數人賊始遁去南擾孔家灣璞河腦等處十七日賊仍由西北奔竄四路逸匪乘間竊發戒嚴無虛時刁斗徹夜五年五月賊復擾西境署令郭瑾繕城垣䟽城隍深一丈二尺濶八尺一應守禦之具悉爲增設防堵嚴整賊遂遠颺不復覷

宜城縣志

卷十

雜類志

二十三

宜城矣

道光元年春雲南永北大姚沿邊夷匪傅添貴等糾衆侵掠五月雲督慶保史致光四川將軍呢瑪善等尅期勦捕秋初獲傅添貴於龍潭山軍興奏凱軍報皆過我十一年冬湖南永州府江華縣猺匪趙金龍會廣西洞猺舉部屬叛十二年正月制軍盧坤帶兵徃征二月提督羅思舉奉

旨督標下精兵千名星夜會勦過境五月軍門羅制軍盧湖南軍門余掃滅猺匪於羊泉鎮械送渠首趙全旺等京師正法廣東猺匪又起軍門余帶兵徃

征軍門羅留鎮楚南八月鄖鎮兵奉調過我九月
廣東獍狃降十月提督單門羅凱旋過我以上俱採訪記
咸豐六年秋襄陽紅巾賊前隊擾縣境小河聞官兵
敗其大隊復去之襄陽

七年紅巾賊由荊門州焚掠縣南孔市聞襄陽太
守唐偕都統巴率大兵來援賊遂自縣西雷家河
朱家嘴等處竄至南漳武安鎮

同治元年秋豫匪由隨棗焚掠縣東田家集等處民
婦遭其屠戮甚衆

三年春豫匪由襄陽擾縣東官莊等處民徙河西

避之屋宇多燬未及避者亦多被殺戮

五年冬十二月三十日髮逆任柱賴汶洸率賊衆由
安陸擾縣東官庄龔家礪五車里南營里等處里
人督團力禦多死之婦女殉節者亦衆六年春二
月賊復至民多徙避河西未及避者亦多被擄殺
尋入山東去

摭聞

楚辭者屈原之所作也自周時衰亂詩人寢息諂佞之道興諷刺之辭廢楚有賢臣屈原被讒放逐乃著離騷八篇言己離別愁思申抒其心自明無罪因以諷諫冀君覺悟卒不省察遂赴汨羅死焉弟子宋玉痛惜其師傷而和之其後賈誼東方朔劉向揚雄嘉其文彩擬之而作蓋以原楚人也謂之楚辭然其氣質高麗雅致清遠後之文人咸不能逮始漢武帝命淮南王爲之章句且受詔食時而奏之其書今亡後漢校書郎王逸集屈原以下迄於劉向逸又自爲一篇

宜城縣志

卷十

雜類志

二十五

并叙而注之今行於世隋時有釋道騫善讀之能爲楚聲音韻清切至今傳楚辭者皆祖騫公之音

隋書

經籍志

王逸集屈原以下迄劉向之文晉摯虞繼爲文章流別梁昭明太子祖述之以爲總集名曰文選

山堂肆考

王子山與父叔師到太山從鮑子真學算到魯賦靈光

殿歸度湘水溺死文考一字子山也

博物志

馬謖臨終與亮書曰明公視謖猶子謖視明公猶父願深爲殫鯀興禹之義使平生之交不虧於此謖雖死無恨於黃壤也於時十萬之家爲之垂泣亮自臨祭

待其遺孤若平生蔣琬後詣漢中謂亮曰昔楚殺得臣然後文公喜可知也天下未定而戮智計之士豈不惜乎亮流涕曰孫武所以能制勝於天下者用法明也是以楊干亂法魏絳戮其僕四海分裂兵交方始若復廢法何用討賊耶

襄陽記

魏咸熙元年六月鎮南將軍衛瓘至於成都得璧玉印各一枚文似成信字魏人宣示百官藏於相國府向充聞之曰吾聞譙周之言先帝諱備其訓具也後主諱禪其訓授也如言劉已具矣當授與人也今中撫軍名炎而漢年極於炎興瑞出成都而藏之於相國

宜城縣志

卷十

雜類志

二十六

府此殆天意也是歲拜充爲梓潼太守明年十二月而晉武帝卽尊位炎興於是乎徵焉

襄陽記

沔水又南與踈水合水出中廬縣西南東流至郢縣北界東入沔謂踈口也水中有物如三四歲小兒鱗甲如鯪鯉射之不可入七八月中好在磧上自曝膝頭似虎掌爪常沒水中出膝頭小兒不知欲取弄戲便殺人或曰人有生得者摘其皋厭可以小使名爲水

唐水經注

按乾隆間萬楊州東南漢水中曾出異物體員中高沙石爲質色烏黑乘風鼓浪起伏去來無定時

壞筏覆船大爲舟筏害俗呼碾子精未審卽水塘
妖變否今漢洪已淤異物杳跡卽當日出沒之所
亦與水經不合均未可以臆斷姑附識以俟考採
訪記

柳渾早孤方十餘歲有巫告曰兒相夭且賤爲浮屠道
可緩死諸父欲從其言渾曰去聖教爲異術不若速
死學愈篤與游者皆有名士

新唐書本傳

伊慎字寡悔兗州人通春秋戰國策天官五行書用善
射爲折衝都尉授連州長史知團練副使三遷江州
別駕討梁崇義也慎以江西牙兵屬李希烈希烈署

宜城縣志

卷十

雜類志

二十七

漢南北兵馬使不受獨率所部破崇義於蠻水效俘
三萬襄漢平功多希烈愛其材數饋遺欲縻止之卒
以計免明年希烈果反嗣曹王皋至鍾陵得而壯之
拔爲大將希烈恐爲皋所任遺以七屬甲詐爲慎書
行反間帝遣使卽軍中斬之皋表列其誣來報賊泝
江徇地皋授慎兵勞而遣與賊大戰破之收黃梅次
長平殺賊將斬級千餘拔蔡山尤力遂下蘄州卽拜
刺史封南充郡王

新唐書本傳

酒名郢之富春烏程之若下滎陽之土窟香富平之石
凍春劍南之燒春河東之乾和蒲桃嶺南之靈溪博

羅宜城之九醞潯陽之湓水京城之西市腔蝦蟆陵
之郎官清河漢之三勒漿其法出波斯三勒者謂庵
摩勒毘黎勒訶黎勒

國史補

段成式詞學博聞精通三教復強記每披閱文字雖千
萬言一覽略無遺漏常於私第鑿一池工人於土下
獲鐵一片恠其異質遂持來獻成式命尺周而量之
笑而不言乃靜一室懸鐵其室中之北壁已而泥戶
但開一牖方纔數寸亦緘鑄之時與近親闢牖窺之
則有金書兩字以報十二時也其博識如此

南楚新
聞

太常少卿段成式相國文昌子也與舉子溫廷筠親善

宜城縣志

卷十

雜類志

二十八

咸通四年六月卒廷筠居閑輦下是歲十一月十三
日冬至大雪凌晨有叩門者僕夫視之乃隔扉授一
竹筒云段太常送書來廷筠初謂誤發筒獲書其上
無字開之乃成式手札也廷筠大驚馳出戶其人已
□矣乃焚香再拜而讀但不喻其理辭曰慟發幽門
哀歸短數生年已矣後世云何況復男紫悲黃女青
懼綠杜陵分絕武子成**韞**自是井障流鸚庭鍾舞鵠
交昆之故永斷私恨慨慷所深力占難盡不具荊州
牧段成式頓首具自後寂無所聞書中**韞**字字書無
此以意讀之當作群字耳溫段二家皆傳其本子安

節前沂王傅乃廷筠壻也因說之

南楚新聞

皮日休性嗜酒居襄陽之鹿門山以山稅之餘繼日而

釀終年荒醉自戲曰醉士居襄陽之洞湖以艚縮載

醕酒一甌往來湖上遇興卽酌因自諧曰醉民

山堂肆考

查志無此名惟宜城縣東五里有鴛筒河豈相沿

而誤耶

府志

荆南節判單天粹宜城人性耽酒日延親朋強以巨觥

多致狼狽時戲語曰單家酒筵乃觥籌獄也

清異錄

宜城九醞酒號竹葉酒宋楊廷秀有詩

山堂肆考

元順帝至元四年荊州府北路有鬼夜叫苦也苦幾時

宜城縣志

卷十

雜類志

二十九

泥到襄陽府大明視之樹木上皆用泥和猪狗毛泥

之

舊府志

王凝陞雲南巡撫自宜赴任道經當陽有孔明八陣圖

壘凡官兵經過其地必掩旗息鼓不則輒被圖迷從

役報之王親詣觀圖命去其中二壘得一小碑刊云

王凝破陣四字凝爲江西司理謁張天師時聖帝降

天師家凝避未及聖帝問天師曰此間有一客天師

答曰宜城王凝帝云與我漢時有舊請來一晤

舊志

世宗嘉靖十八年狩承天鑾輿過縣宋玉塚開俗謠云

宋玉塚開天子至

舊志

易宗文字憂思性具夙慧總角時即遊泮食餼屢應鄉
試不售遂絕意進取博通玄宗會心參同悟真二集
爲之箋註頭陀嚴蓬頭有仙釋稱游大和山道經宜
往訪之退謂人曰此頑空得不迷性足矣安免輪迴
邑令雷嘉祥造而問道曰修德愛民盡之矣何所云
道壽六十三卒

崇禎九年流寇往來宜境邑令熊文昌役民鑿西北岡
爲濠以禦賊掘出鍾亮墓得一肉物形似劍色赤熊
令藏之庫中其地紅水流數日方止

金雞塚偏東南者有墓門微露石端俗傳塚貯金銀器

宜城縣志

卷十 雜類志

三十

供人取用每值雞鳴輒迷其隧道而物不可得後因
久假不歸墓門遂閉或又云塚出金色雌雉時引羣
雛啄食田粟牧童鞭撻斃一雛則黃金小錠也攜市
易錢得十數貫歸即病臥不起錢盡乃瘞再至塚處
覓雞杳不復見自是號爲金雞塚

鯉魚橋相傳橋石昔出飛螂蛆害人有仙翁擲劍斬之

患遂除今橋石上劍蹟猶存

以上
田志

康熙間邑南劉家營有劉公者以明經教授里中一日
負手曳杖徘徊場圃忽見一童子行乞門左年可十
歲許雖在風塵落魄中而器宇軒爽迥殊凡庸頗有

劍氣珠光不可掩抑之概公奇之詢所自來則操北音對以父母俱逝伶仃孤苦兼值歲歉流離至此公留之門下供其衣食令與諸弟子同侍講席乃賦性敏捷目十行下不數年凡諸經史以及秦漢古文有明制藝無不洞徹下筆千言立就公喜其有成厚贈資斧俾之歸試且送諸門曰爾之此行真如鵬程九萬搏扶搖而直上矣久之無耗劉公亦以老病卒居無何忽兩湖制軍之任過其里衰經匍匐涕泣來弔劉公二子大驚異之細叩厥故乃知即昔日行乞童子歸即獲雋聯捷南宮洊陞顯秩聞公卒特來酬其

惠也爲厚遺劉二子而去此事鄉先輩皆豔稱之惜佚劉公及制軍名

胡高人者乾隆間人也不詳其姓字里居遨遊徧天下來漢上愛其山水因流寓焉邑李得中者亦超逸士慕其人禮聘至家於修竹中起茅屋數椽畧植花卉相與朝夕嘯吟其間高人嫻韜畧言事多奇中當酒後耳熱嘗與李馳談天下事無不洞切機宜白蓮匪未亂時豫知其兆而決其即滅人羨其蘊蓄或勸之仕笑而不答處竹林中博覽羣書著通鑑百二十餘卷林下星占四十餘卷纂周易尙書及春秋歷代古

文又著有竒門六壬戰畧諸書臨歿指篋中書謂李氏曰此吾畢生精力也幸善藏之後漢水溢李宅遭漂沒高人書亦蕩然無存存者僅同人抄傳數首或謂高人爲宛籍名元靜字子仁未知確否意殆當時隱君子與

邑南赤湖與長渠通水冬夏不涸有漁者十數人撒網舉罾爲竭澤計一人於湖底得一古鏡面作金色背有交龍紋其光瑩然持以自照忽現異形以照衆人皆然衆大駭異起而奪之鏡忽墮水卒難覓獲此道光二十五年事也

昔宋文憲纂修遼金元史閱者不免草率之譏宜舊志輯於康熙癸亥三月餘而告成紀載率從簡畧大抵開創伊始兵燹初靖雖文獻之無徵抑時勢有以迫之也乃相沿至今多歷年所舊志已蕩然無存僅有鄉先達雲衢氏採訪記一家言際此而從事釐正實有未易率爾操觚者惟是予少也孤頻年奔走四方與邑士大夫交多疎凡山川井里之形勢典章文物之美備以及人情物理有關一邑體要者均非所素諳是蘇穎濱以見囿於鄉里爲憾而予則以太疎於鄉里爲憾也今年夏承程父母命招與諸友人共襄盛舉竊從參互考訂

宜城縣志

卷十 跋

三十三

之餘得窺掌故見載籍所陳有若披卧游圖者焉有若讀考工記者焉有若校平準書者焉暨夫尋源竟委又有若覽禮樂志人類譜者焉又有若閱文心雕龍世說新語者焉然後嘆枌榆舊社數典良多樗櫟庸材獲益匪淺向之闇於閱歷者今乃可昭然懷抱向之得於傳聞者今不啻遇諸目前也 鐘 幸矣 鐘 之禱昧自此啟矣若云紹前修而載筆擅三長以成書 鐘 自顧何人亦何敢僭妄乃爾

峕

同治五年歲次丙寅仲冬月邑後學張炳鐘簾軒氏跋